

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19) i člana 127. tačka s), a u vezi člana 116. stav (5) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

## PRAVILNIK

### O POSTUPKU NAKNADE ŠTETE POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

#### DIO PRVI - OPĆE ODREDBE

##### Član 1.

###### (Predmet)

Ovim pravilnikom uređuje se postupak naknade štete, odnosno materijalne odgovornosti, koju tokom vršenja dužnosti prouzrokuje policijski službenik Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), postojanje i visina štete, okolnosti pod kojima je šteta nastala, način nadoknade štete, kao i druga pitanja koja se odnose na oblast naknade štete.

##### Član 2.

###### (Pojam štete)

U smislu odredbi Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19, u dalnjem tekstu: Zakon) i ovog pravilnika, štetom se smatra:

- a) materijalna šteta na imovini Uprave policije koju namjerno ili iz krajne napažnje tokom vršenja dužnosti prouzrokuje policijski službenik i
- b) šteta koju je Uprava policije morala nadoknadi oštećenim građanima i pravnim osobama, a koju je namjerno ili iz krajne napažnje prouzrokovao policijski službenik tokom vršenja dužnosti, što obuhvata i stvarnu štetu vlasnika ili korisnika vozila ili komunikacijskog sredstva koje je, u skladu sa ovlaštenjima propisanim odredbama člana 24. Zakona, koristio policijski službenik.

##### Član 3.

###### (Odgovornost policijskog službenika)

- (1) Policijski službenik Uprave policije obavezan je da Upravi policije nadoknadi materijalnu štetu koju je namjerno ili iz krajne napažnje tokom vršenja dužnosti prouzrokovao na imovini Uprave policije.
- (2) Policijski službenik Uprave policije obavezan je da Upravi policije nadoknadi štetu koju je Uprava policije morala nadoknadi oštećenim građanima i pravnim osobama, a koju je namjerno ili iz krajne napažnje prouzrokovao tokom vršenja dužnosti.
- (3) Ako štetu prouzrokuje više policijskih službenika, svaki policijski službenik odgovara za dio štete koju je prouzrokovao.
- (4) Ako se za svakog policijskog službenika ne može utvrditi dio štete koju je on prouzrokovao, smatra se da su svi policijski službenici podjednako odgovorni i štetu nadoknaduju u jednakim dijelovima.
- (5) Ako je više policijskih službenika prouzrokovalo štetu krijičnim djelom sa umišljajem, za štetu odgovaraju solidarno.
- (6) Kada policijski službenik prilikom vršenja dužnosti prouzrokuje štetu, a svoju dužnost je izvršavao u okviru

svoje nadležnosti i na zakonom propisan način, nije odgovoran za eventualno nastalu štetu.

##### Član 4.

###### (Ravnopravnost spolova)

Gramatička terminologija korištenja muškog ili ženskog spola u ovom pravilniku podrazumijeva uključivanje oba spola.

### DIO DRUGI - POSTUPAK UTVRDIVANJA NAKNADE ŠTETE, ODNOSENOST MATERIJALNE ODGOVORNOSTI

##### Član 5.

###### (Obaveza prijavljivanja štete)

- (1) Svaki policijski službenik ili organizaciona jedinica Uprave policije i Ministarstva unutrašnjih poslova Kantona Sarajevo (u dalnjem tekstu: Ministarstvo) obavezan je, odmah po saznanju za nastanak štete koju prouzrokuje osobno ili neki drugi policijski službenik, podnijeti izještaj o nastaloj šteti.
- (2) Nastanak štete se prijava rukovodiocu svoje osnovne organizacione jedinice koji o tome odmah izvještava Komisiju za utvrđivanje materijalne odgovornosti policijskih službenika Uprave policije Ministarstva unutrašnjih poslova Kantona Sarajevo, kao i policijskog komesara, a ako se radi o danima vikenda ili praznika, prvog narednog radnog dana.
- (3) Policijski komesar će u slučaju nastanka štete na imovini Ministarstva o tome obavijestiti ministra unutrašnjih poslova Kantona Sarajevo.
- (4) Prijavu o nastanku štete neposrednom rukovodiocu policijskog službenika koji prozrokuje štetu može podnijeti i oštećeni, kao i svaki drugi građanin.
- (5) Izještaj o nastaloj šteti iz stava (1) ovog člana ili prijava o nastanku štete iz stava (4) ovog člana, u pravilu sadrže: ime i prezime policijskog službenika ili druge osobe koja prijava štetu, ime i prezime policijskog službenika koji je prozrokoval štetu, okolnosti pod kojima je nastala šteta, vrijeme i mjesto nastanka štete, eventualne dokaze kojima će se potkrijepiti navodi iz prijave o nastanku štete, kao i navesti sve druge činjenice koje mogu poslužiti u razjašnjenju dogadaja.

##### Član 6.

###### (Sprječavanje daljnjih posljedica nastanka štete)

Policijski službenik koji je prouzrokoval štetu, kao i svaki drugi uposlenik koji je saznao za štetu, dužan je preduzeti sve potrebne i raspoložive radnje na sprječavanju daljnog nanošenja štete.

##### Član 7.

###### (Komisija za utvrđivanje materijalne odgovornosti policijskih službenika)

- (1) Policijski komesar imenuje Komisiju za utvrđivanje materijalne odgovornosti policijskih službenika Uprave policije Ministarstva unutrašnjih poslova Kantona Sarajevo (u dalnjem tekstu: Komisija).
- (2) Komisija se sastoji od predsjednika i dva člana i istog broja zamjenika, imenuje se na vremenski period od dvije godine, a mandat Komisije može se obnoviti.
- (3) Najmanje jedan član Komisije mora biti policijski službenik, dok u pogledu stručne spreme jedan član mora biti pravne, a jedan ekonomske struke koji su pripadnici Sektora za materijalno-finansijske poslove Uprave policije.
- (4) Predsjednik Komisije je policijski službenik sa najvišim činom, a ako više policijskih službenika imaju isti čin predsjednik je policijski službenik sa više efektivnog staža u Upravi policije.

- (5) Predsjedniku i članovima Komisije, kao i njihovim zamjenicima, ukoliko su bili angažovani, pripada pravo na novčanu naknadu, čiju visinu rješenjem određuje policijski komesar.
- (6) Komisija može, radi efikasnog i pravilnog utrdivanja činjeničnog stanja pozvati pojedine stručnjake iz oblasti koje su predmet njenog rada, a u skladu sa odredbama člana 10. stav (3) ovog pravilnika i stalne sudske vještakice određene struke.
- (7) Osnovni zadaci Komisije su utvrđivanje:
- postojanja štete,
  - iznosa štete i
  - okolnosti pod kojima je prouzrokovana šteta.
- (8) U cilju izvršenja osnovnih zadataka iz stava (7) ovog člana, Komisija može:
- neposredno ili putem nadležne organizacione jedinice Uprave policije pozvati policijskog službenika za kojeg se osnovano sumnja da je prouzrokoval štetu i od njega uzeti izjavu na zapisnik,
  - ako je to potrebno, pozvati svjedoka, oštećenog, računoplagatelja ili rukovatelja materijalnim sredstvima i od njega uzeti izjavu na zapisnik,
  - pribaviti svu raspoloživu dokumentaciju iz koje će se vidjeti uzročna veza između štete i radnje policijskog službenika (šetnika) i imovine, odnosno materijalnog sredstva na kojem je nastala šteta (knjige, evidencije, dokumenti i materijalno-finansijskom poslovanju i dr.),
  - izvršiti uviđaj i vještačenje na licu mjesta i
  - pribaviti i izvesti druge dokaze i radnje potrebne da se šteta i odgovornost za štetu objektivno utvrde.

### Član 8. (Utvrdjivanje štete)

- Postupak utvrđivanja štete je pokrenut čim je Komisija izvršila bilo koju radnju u cilju vođenja postupka.
- Zadatak Komisije je da, u najkraćem mogućem roku, provede postupak utvrđivanja materijalne odgovornosti policijskog službenika, odnosno utvrdi postojanje štete, visinu nastale štete, postojanje namjere ili krajnje napačnje policijskog službenika u pogledu nastale štete, kao i sve druge relevantne okolnosti pod kojima je šteta nastala.
- Postojanje štete se utvrđuje na osnovu dostupnih podataka o nastaloj šteti i stanju oštećene stvari prije nastanka štete.
- Visina štete se utvrđuje na temelju početne vrijednosti oštećene stvari, vrste štete (djelimična ili potpuna), načina na koji se ista najefikasnije može otkloniti (popravak ili zamjena), te stepena amortizacije oštećene - uništene stvari u momentu nastanka štete.

### Član 9.

(Pravila postupka utvrđivanja štete)

- U postupku utvrđivanja postojanja i visine materijalne štete i odgovornosti za štetu primjenjuju se odredbe Zakona o upravnom postupku ("Službene novine Federacije BiH", br. 2/98 i 48/99) i ovog pravilnika.
- Visinu štete Komisija utvrđuje na bazi tržišne vrijednosti nove stvari i stepena amortizacije koju je stvar imala u vrijeme nastanka oštećenja.
- Ukoliko je predmet dokazivanja šteta čija se visina ne može utvrditi na način iz stava (2) ovog člana, Komisija može, na prijedlog policijskog službenika ili po službenoj dužnosti, na okolnosti nastanka i visine štete, odrediti

provodenje dokaza vještačenjem. Vještačenje vrše stalni sudske vještaci odgovarajuće struke.

### Član 10.

(Zapisnik)

- Komisija o svom radu sačinjava zapisnik koji treba da sadrži podatke o policijskom službeniku, utvrđenoj šteti, visini štete, odgovornosti za nastalu štetu, načinu nadoknade štete (putem sporazuma ili na osnovu rješenja) kao i podatke o drugim preduzetim radnjama Komisije.
- Na osnovu zapisnika iz stava (1) ovog člana Komisija sačinjava izvještaj koji dostavlja policijskom komesaru.

### Član 11.

(Prvostepeno i drugostepeno odlučivanje)

- Na osnovu izvještaja iz člana 10. stav (2) ovog pravilnika i pribavljenje saglasnosti policijskog komesara na navedeni izvještaj, Komisija će pripremiti načrt rješenja o materijalnoj odgovornosti policijskog službenika, njegovoj obavezi nadoknade štete, iznosu, roku i načinu nadoknade štete.
- Nakon provedenog postupka iz stava (1) ovog člana, policijski komesar donosi rješenje o materijalnoj odgovornosti policijskog službenika koji je prouzrokoval štetu, Sektoru za pravne, kadrovske, logističke poslove, edukaciju i analitiku i Sektoru za materijalno-finansijske poslove radi pokretanja postupka nadoknade štete putem obustave isplate određenog novčanog iznosa na plaću policijskog službenika.
- Protiv rješenja iz stava (2) ovog člana, policijski službenik ima pravo žalbe Policijskom odboru Vlade Kantona Sarajevo u roku od osam dana od dana prijema rješenja. Žalba odgadava izvršenje rješenja.
- U skladu sa iznosom nadoknade i na osnovu zahtjeva policijskog službenika, policijski komesar može dozvoliti isplatu u ratama.
- Policijski komesar i policijski službenik, na osnovu zahtjeva policijskog službenika, mogu napraviti pismeni sporazum o iznosu, roku i načinu nadoknade štete i takav sporazum ima snagu izvršne isprave. Načrt sporazuma sačinjava Komisija.
- Ako je šteta pričinjena na imovini, na zahtjev policijskog službenika policijski komesar može odobriti da šteta bude nadoknadena uspostavom predašnjeg stanja o trošku policijskog službenika u određenom roku što se reguliše sporazumom o naknadi štete iz stava (5) ovog člana.
- Prije donošenja rješenja, odnosno zaključenja sporazuma o nadoknadi štete, Komisija će provesti postupak utvrđivanja postojanja i visine štete i odgovornosti za nastalu štetu, te će omogućiti policijskom službeniku da se izjasni na sve relevantne činjenice i okolnosti i iznese dokaze, ukoliko osporava postojanje, osnov nastanka ili visinu štete.
- Postupak utvrđivanja štete će se obustaviti rješenjem ako se tokom postupka utvrdi da šteta nije nastala ili ako policijski službenik tokom postupka prizna i nadoknadi u cijelosti štetu ili ako je šetnik ostao nepoznat ili ako policijski službenik koji je prouzrokoval štetu umre.

### Član 12.

(Odnos između postupka za utvrđivanje disciplinske i materijalne odgovornosti)

- Ukoliko je utvrđivanje postojanja i iznosa materijalne štete neophodan preduvjet za vođenje internog postupka (unutrašnje istrage) i utvrđivanje odgovornosti policijskog službenika o istoj u internom postupku, Komisija utvrđuje

- iznos štete i o tome obavještava organ nadležan za donošenje odluke u internom postupku.
- (2) U postupku utvrđivanja odgovornosti za lakše povrede službene dužnosti, ukoliko ukoliko rukovodilac koji vodi postupak nade da je prije donošenja odluke u postupku neophodno uvrđivanje iznosa materijalne štete, obratiti će se Komisiji da se to pitanje riješi kao prethodno pitanje u disciplinskom postupku.
- (3) U postupku utvrđivanja odgovornosti za teže povrede službene dužnosti, ukoliko disciplinska komisija nađe da je neophodno utvrditi iznos materijalne štete kao prethodno pitanje, može se sama upustiti u određivanje istog ili prethodno pitanje uputiti Komisiji.
- (4) Kada Komisija razmatra postojanje i iznos štete kao prethodno pitanje, organ koji odlučuje o disciplinskoj odgovornosti nije vezan kvalifikacijom odgovornosti za štetu koju odredi Komisija.
- (5) Rokovi zastare u disciplinskom postupku se prekidaju za vrijeme trajanja postupka pred Komisijom.

### Član 13.

(Korištenje tuđih vozila i sredstava komunikacije)

- (1) Policijski službenik prilikom izvršavanja službenih zadataka radi potjere ili lišenja slobode uvinilaca krivičnog djela, kao i radi prevoženja žrtve krivičnog djela, prirodne nepogode ili druge nesreće do najbliže bolnice, može koristiti odgovarajuće tuđe vozilo i komunikacijsko sredstvo o čemu naknadno izdaje potvrdu. Policijski službenik može koristiti navedena sredstva isključivo dok se službena radnja ne okonča.
- (2) Vlasnik ili korisnik vozila ili komunikacijskog sredstva koje je koristio policijski službenik, na osnovu izdate potvrde od strane policijskog službenika, ima pravo na nadoknadu stvarne štete ako je pričinjena upotrebom njegove imovine.
- (3) Štetu iz stava (2) ovog člana nadoknađuje Uprava policije, shodno odredbama Zakona i ovog pravilnika.

### Član 14.

(Šteta učinjena policijskom službeniku)

Ako policijski službenik pretrpi štetu u vezi s obavljanjem službe ili povodom obavljanja službe, a nije sam doprinio nastanku iste, pri čemu se šteta ne može nadoknaditi po drugim osnovama, na osnovu pismenog zahtjeva policijskog službenika i obrazloženja neposrednog rukovodioča, Komisija provodi postupak u skladu sa odredbama ovog pravilnika.

### Član 15.

(Oslobadanje od obaveze nadoknade štete)

- (1) Ako Komisija utvrdi da šteta nije počinjena običnom nepažnjom, ili ako je šteta nastala slučajem ili višom silom, pripremiće načrt rješenja kojim se policijski službenik osloboda odgovornosti i obaveze nadoknade štete i koji, uz izvještaj iz člana 10. stav (2) ovog pravilnika, dostavlja policijskom komesaru na donošenje.
- (2) Ako je do štete došlo postupanjem policijskog službenika po nalogu nadredenog službenika, ako ga je policijski službenik prethodno usmeno ili pismeno upozorio da će izvršenjem naloga nastati ili bi mogla nastati šteta, te ako radnja kojom je šteta izazvana istovremeno ne predstavlja i krivično djelo, policijski službenik će se u cijelosti osloboditi od obaveze nadoknade štete.
- (3) Rješenje o oslobadanju policijskog službenika od nadoknade štete koju je prouzrokovao, donosi policijski komesar, na osnovu izvještaja Komisije.

### Član 16.

(Djelimično oslobođanje od obaveze nadoknade štete)

- (1) Ukoliko bi isplatom naknade za štetu pričinjenu Upravi policije bila ugrožena egzistencija policijskog službenika i njegove porodice, policijski službenik se može djelimično osloboditi plaćanja te naknade.
- (2) Odluku o djelimičnom oslobođanju od plaćanja naknade štete, na pismeni zahtjev policijskog službenika Uprave policije, donosi policijski komesar.
- (3) Ukoliko policijski komesar ne uvaži zahtjev policijskog službenika iz stava (2) ovog člana, policijskom službeniku se upućuje pisana obavijest.

### Član 17.

(Regresiranje isplaćene štete Kantonom Sarajevu)

- (1) U skladu sa zakonom, Kanton Sarajevo je odgovoran za štetu pričinjenu fizičkim i pravnim osobama kao rezultat postupanja policijskih službenika u izvršenju ili vezano za izvršenje zadataka Uprave policije.
- (2) Kanton Sarajevo ima pravo zahtijevati od policijskog službenika za kojeg se utvrdi da je odgovoran za štetu iz stava (1) ovog člana da nadoknadi iznos isplaćen trećim osobama, ako je prouzrokovana šteta posljedica njegove grube nepažnje ili namjere ili neovlaštenih radnji ili postupaka.

### Član 18.

(Pokretanje postupka pred nadležnim sudom)

Ako ne postoji mogućnost nadoknade Upravi policije utvrđene ili trećoj osobi isplaćene štete, u skladu sa odredbama zakona, policijski komesar može zatražiti od Pravobranilaštva Kantona Sarajevo da pokrene postupak naknade štete pred nadležnim sudom.

## DIO TREĆI - PRELAZNE I ZAVRŠNE ODREDBE

### Član 19.

(Postupci u toku)

Postupci koji su započeti po odredbama ranije važećeg Pravilnika o materijalnoj odgovornosti policijskih službenika Ministarstva unutrašnjih poslova Kantona Sarajevo, broj 01-89/07 od 23.01.2007. godine, završiće se po odredbama ovog pravilnika.

### Član 20.

(Prestanak važenja ranijeg propisa)

Stupanjem na snagu ovog pravilnika prestaje da važi Pravilnik o materijalnoj odgovornosti policijskih službenika Ministarstva unutrašnjih poslova Kantona Sarajevo, broj 01-89/07 od 23.01.2007. godine.

### Član 21.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-7-05-6263/19  
08. januara 2020. godine

Ministar  
**Admir Katica, s. r.**

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19) i čl. 80. stav (1) tačka c) i 80a., a u vezi s članom 16. stav (3) Zakona o nabavljanju, držanju i nošenju oružja i municije ("Službene novine Kantona Sarajevo", br. 1/18, 13/18 - Ispravka i 30/19), na prijedlog policijskog komesara, ministar unutrašnjih poslova Kantona Sarajevo, donosi